



盛唐第一百三

唐詩紀一百六十三

鄆郡吳瑄彙編

鄆郡俞體初同校

芮挺章

國子進士天寶初編國秀集三卷

江南弄

春江可憐事最在美人家
鸚鵡能言鳥芙蓉巧笑
花地銜金作埒水抱玉爲沙
薄晚青絲騎長鞭赴
狹斜

少年行

任氣稱張放銜恩在少年玉階朝就日金屋夜昇
天軒騎青雲際笙歌綠水邊建章明月好留醉伴
風煙

樓穎

天寶中進士
作國秀集序

伊水門

朝涉伊水門伊水入門流愜心乃成興澹然汎孤
舟霏微傍青靄容與隨白鷗竹陰交前浦柳花媚
中洲日落陰雲生彌覺茲路幽聊以恣所適此外
知何求

東郊納涼憶左威衛李錄事收昆季太原

崔參軍三首

并序

僕三伏於通化門東北數里避暑之地地卽故
倅天官顧公之舊林今貳宰君李公之別業右
抵禁籞斜界沁園空水相輝步虹橋而下視竹
木交映弄仙棹而傍窺足滌煩襟 陶蒸暑獨
往成興恨不與數公共之率然有作因以見意
水竹誰家宅幽庭向宛門今知季倫沼舊是辟疆
園饑鷺窺魚靜鳴鴉帶子喧興成祗自適欲白返

詩經
忘言

納涼每選地近得青門東林與繚垣接池將沁水
通枝交帝女樹橋映美人虹想是忘機者悠悠在
興中
林間求適意池上得清飈稍稍斜回檝時時一度
橋水光壁際動山影浪中搖不見李元禮神仙何
處要

西施石

西施昔日浣紗津石上青苔思殺人一去姑蘇不

復返岸傍桃李為誰春

李收

國秀集云右武衛錄事樓穎
有憶左威衛李錄事收詩

和中書侍郎院壁畫雲

粉壁畫雲成如能上太清影從霄漢發光照掖垣
明映篠多幽趣臨軒得野情獨思作霖雨流潤及
生靈

幽情

幽人惜春暮潭上折芳草佳期何時還欲寄千里
道

詩經

盛唐卷之二百三

三

言系
薛竒童

國秀集云
大理司直

擬古

沙塵朝蔽日失道還相遇寒影波上雲秋聲月前
樹川氣生曉夕野陰乍煙霧沈沈滌池水人馬不
敢度吮癰世所薄挾纊恩難顧不見古時人中宵
淚橫注

塞下曲

驕虜初南下煙塵暗國中獨召李將軍夜開甘泉
宮一身許明主萬里總元戎霜甲卧不煖夜半聞

邊風胡天早飛雪荒徼多轉蓬寒雲覆水重秋氣
連海空金鞍誰家子上馬鳴角弓自是幽并客非
論愛立功

和李起居秋夜之作

過庭聞禮日趨侍記言迴獨卧玉牕前卷簾殘雨
來高秋南斗轉涼夜北堂開水影入朱戶螢光生
綠苔簡成良史筆年是洛陽才莫重白雲意時人
許上台

雲中行

詩記

盛唐詩卷一百三

四

雲中小兒吹金管向晚因風一川滿塞北雲高心
已悲城南木落腸堪斷憶昔魏家都此方涼風觀
前朝百王千門曉映山川色雙闕遙連日月光舉
杯稱壽永相保日夕歌鐘徹清昊將軍汗馬百戰
場天子射獸五原草寂寞金輿去不歸陵上黃塵
滿路飛河邊不語傷流水川上含情歎落暉此時
獨立無所見日暮寒風吹客衣

楚宮詞二首

禁苑春風起流鶯繞合歡玉蕊通日氣珠箔捲輕

寒楊葉垂陰砌梨花入井闌君王好長袖新作舞
衣寬

日晚梧桐落微寒入禁垣月懸三雀觀霜度萬秋
門豔舞矜新寵愁容泣舊恩不堪深殿裏簾外欲
黃昏

吳聲子夜歌

一作崔國輔古意

淨掃黃金階飛霜皎如雪下簾彈箜篌不忍見秋
月

閻寬

國秀集云醴泉尉

詩已

盛唐詩卷之三十三

五

曉入宜都渚

問俗周楚甸川行渺江潯興隨曉光發道會春言
深回眺佳氣象遠懷得山林佇應舟楫用曷務歸
閑心

古意

庭樹發華滋瑤草復葳蕤好鳥飛相從愁人深此
時天中有靈匹日夕顰蛾眉願逐飄風花千里入
遙帷心逝愛不見空歌悲莫悲

春宵覽月

月生東荒外天雲收夕陰愛見澄清景象吾虛白
心耳目靜無譁神超道性深乘興得至樂寓言因
永吟

秋懷

下帷長日盡虛館早涼生芳草猶未薦如何蜻蛚
鳴秋風已振衣客土何時歸爲問當途者寧知心
有違

松滋江北阻風

江風久未歇山雨復相仍巨浪天涯起餘寒川上

言系
凝憂人勞夕惕鄉事憊晨興遠聽知音駭誠哉不可陵

梁鎰

見國秀集

七夕汎舟

雲端有靈匹掩映拂妝臺夜久應搖珮天高響不來片歡秋始展殘夢曉翻催却怨填河鵲留橋又不迴

觀美人卧

妾家巫峽陽羅帳寢銀牀曉日臨牕久春風

一作情

引夢長落釵仍冑

一作挂

鬢微汗欲銷黃

一作香

縱使

朦朧覺覓猶逐楚王

代征人妻

征夫走馬發漁陽少婦含嬌開洞房千日廢臺還挂鏡數年空面再新妝東風喜出今朝戶明月虛眠昨夜牀莫道幽閨還衣揔是舊時香

省試方士進恒春草

東吳有靈草生彼剡谿傍既亂莓苔色仍連菡萏香掇之稱遠士持以奉明王北闕顏彌駐南山壽

更長金膏徒騁妙石髓莫矜良儻使露涓滴還遊
不死方

贈李中華

莫向嵩山去神仙多誤人不如朝魏闕天子重賢
臣

張萬頃

國秀集
云進士

東谿待蘇戶曹不至

洛陽城東伊水西千花萬竹使人迷臺上柳枝臨
岸低門前荷葉與橋齊日暮待君君不見長風吹

雨過青谿

登天目山下作

去歲離秦望今冬使楚關淚添天目水髮變海頭
山別母烏南逝辭兄鴈北還宦遊偏不樂長爲憶
慈顏

送裴少府

夕膳望

一作思

東周晨裝不少畱酒中同樂事關外

起離憂座濕秦山雨庭寒渭水秋何當鷹隼擊來
拂故林遊

范朝

開元中人國秀集云進士

寧王山池

水勢臨階轉峯形對路開
槎從天上得石是海邊
來瑞草分叢種祥花間色
栽舊傳詞賦客唯見有
鄒枚

題石甕寺

勝境宜長望遲春好散愁
關連四塞起河帶八川
流複磴承香閣重巖映彩
樓為臨温液近偏美聖
君遊

趙良器

國秀集云兵部員外

三月三日曲江侍宴應制

聖祖發神謀靈符叶帝求
一人光錫命萬國荷時
休雷解園丘畢雲需曲水
遊岸花迎步輦仙仗擁
行舟睿藻天中降恩波
海外流小臣同品物陪此
樂皇猷

鄭國夫人挽歌詞

淑德延公胄宜家接帝姻
桂宮男掌僕蘭殿女昇
嬪恩澤昭前命盈虛變此
辰百年今已矣彤管列

何人

屈同仙

國秀集云千牛兵曹按搜玉英華俱作屈同

燕歌行

漁陽八月塞草腓征人相對併思歸雲和朔氣連

天暗

一作黑

蓬雜驚

一作胡

沙散野飛是時天地陰埃

遍瀚海龍城皆血

一作習

戰兩軍鼓角暗相聞四面

旌旗看不見昭君遠嫁已年多戎狄無厭不復

尚和漢兵候月秋防塞胡騎乘冰夜渡河河塞東

西萬餘里地與京華不相似燕支山下一作上少春

一作光

輝黃沙磧裏無流水金戈玉劔十年征紅粉

青樓多怨情厭向殊方

一作鄉

久離別秋來愁聽擣

衣聲

烏江女

越豔誰家女朝遊江岸傍青春猶未嫁紅粉舊來

娼錦袖盛朱橘銀鈎摘紫房見人羞不語回艇入

谿藏

豆盧復

國秀集云前崇玄生

昌年宮作

言絲
但
有
離
宮
處
君
王
每
不
居
旗
門
芳
草
合
輦
路
小
槐
疎
殿
閉
山
煙
滿
牕
凝
野
靄
虛
豐
年
多
望
幸
春
色
待
鑾
輿

落第歸鄉留別長安主人

客裏愁多不記春聞鶯始歎柳條新年年下第東
歸去羞見長安舊主人

黃麟

國秀集二云金部員外郎

郡中客舍

蟲響亂啾啾更人正數籌
竟歸洞庭夜霜卧洛陽

秋微月有時隱長河到曉流
起來還囑鴈鄉信在

吳洲

常非月

國秀集二云西河尉

詠談容娘

舉手整花鈿翻身舞錦筵
馬圍行處匝人壓

一作簇

看場圓歌索

一作要

齊聲和情教細語傳
不知心大

小容得許多憐

荆冬倩

國秀集二云校書郎

奉試詠青

詩記

盛唐卷之二百三

七

路闢天光遠春還月道臨草濃河畔色槐結路邊
陰未映君王史先標胄子襟經明如可拾自有致
雲心

王喬

國秀集云
安定太守

過故人舊宅

故人軒騎罷歸來舊國園林閉不開唯餘挾瑟樓
中婦哭向平生歌舞臺

杜儼

國秀集云
新安丞

客中作

書劔催人不暫閑洛陽羈旅復秦關容顏歲歲愁
邊改鄉國時時夢裏還

孫欣

見國
秀集

奉試冷井

仙闈井初鑿靈液沁成泉色湛青苔裏寒凝紫綆
邊銅餅向影落玉甃抱虛圓永願調神鼎堯時泰
萬年

郭良

國秀集云
金部員外

題李將軍山亭

詩已

盛唐卷之二

十三

詩紀 孟唐卷之二十三
鳳轄將軍位龍門司隸家衣冠爲隱逸山水作繁
華徑出重林草池搖兩岸花誰知貴公第亭院有
煙霞

早行

早行星尚在數里未天明不辨雲林色空聞風水
聲月從山上落河入斗間橫漸至重門外依稀見
洛城

郭向

國秀集云
太子尉

途中口號

一作盧
僎詩

抱玉三朝楚懷書十上秦年年洛陽陌花鳥弄歸
人

樊晃

國秀集云
前進士

南中感懷

南路蹉跎客未回常嗟物候暗相催四時不變江
頭草十月先開嶺上梅

張鼎

國秀集云
司勳員外

鄴城引

君不見漢家失統三靈變魏武爭雄六龍戰盪海

詩紀

孟唐卷之二十三

三

言終
吞江制中國迴天運斗應南面隱隱都城紫陌開
迢迢分野黃星見流年不駐漳河水明月俄終鄴
國宴文章猶入管絃新帷座空銷狐兔塵可惜望
陵歌舞處松風四面暮愁人

僧舍小池

引出白雲根潺潺漲蘚痕冷光搖砌錫踈影露枝
猿淨帶凋霜葉香通洗葉源貝多文字古宜向此
中翻

江南遇雨

江天寒意少冬半雨仍飛出戶愁爲聽從風灑客
衣旅覓驚處斷鄉信意中微幾日應晴去孤舟且
欲歸

楊諫

國秀集云
永樂承

贈知己

江南折芳草江北贈佳期江闊水復急過江常苦
遲蘋白蘭葉青恐度先香時美人碧雲外寧見長
相思

對人憐
蒼長孫十一東山春夜見贈

詩經
八
盛唐卷之二
故人謝城闕揮手碧雲期
谿月照隱處松風生興
時舊林日云暮芳草歲空滋
甘與子成夢請君同
所思

沈頌

國秀集云
無錫尉

早發西山

遊子空有懷賞心
杳無路前程數千里
乘夜連輕馭
繚繞松篠中
蒼茫猶未曙
遙聞孤村犬
暗指人家去
疲馬懷澗泉
征衣犯霜露
喧呼谿鳥驚沙上
或騫翥娟娟東岑月
照曜獨歸慮

送人還吳

人心不忘鄉矧余客已久
送君江南去秋醉洛陽
酒贈言幽徑蘭別思河堤柳
征帆暮風急望望空
延首

送金文學還日東

君家東海東君去因秋風
漫漫指鄉路悠悠如夢
中煙霧積孤島波濤連大空
冒險當不懼皇恩措
爾躬

旅次灞亭

詩已

盛唐卷之二

七

閑琴開旅思清夜有愁心圓月正當戶微風猶在
林蒼茫孤亭上歷亂多秋音一作陰言念待明發東
山幽意深一作高春旦歌一作因林風嘗聞羸女玉簫臺奏曲情深彩鳳來欲登此地銷
歸恨却羨雙飛去不回

衛中作

衛風愉豔宜春色淇水清冷增暮愁總使榴花能
一醉終須宣草暫忘憂

徐九臯

國秀集云
河陰尉

關山月

玉塞抵長城金微映高闕遙心萬餘里直望二邊
月霜靜影逾懸露稀光漸沒思君不可見空歎將
焉歇

戰城南

塞北狂胡旅城南敵漢圍巉巖一鼓氣拔利五兵
威虜騎瞻山哭王師拓地飛不應須寵戰當遂勒
金微

詠史

亡國秦韓代榮身劉項年金槌擊政後玉斗碎增
前聖主稱三傑明離保四賢已申黃石祭方慕赤
松仙

送部四鎮人往單于別知故

天下今無事雲中獨未寧
忝驅更戍卒方遠送邊
庭馬飲長城水軍占太白星
國恩行可報何必守
經營

途中覽鏡

四海遊長倦百年行
一作半侵賴窺明鏡裏時見

丈夫心

梁德裕

國秀集云
四門助教

感遇二首

彩雲呈瑞質五色發人寰
獨作龍虎狀孤飛天地
間隱隱臨北極峩峩象南山
恨在帝鄉外不逢枝
葉攀

幽澗生蕙若幽渚老江蘼
榮落人不見芳香徒爾
為不及綠萍草生君紅蓮池
左右美人弄朝夕春

風吹葉洗玉泉水珠清湛露滋心亦願如此託君君不知

朱斌 國秀集 云處士

登樓 一作黃之渙 登鶴鵠樓詩

白日依山盡黃河入海流欲窮千里目更上

一重樓 一作層

鄭紹 國秀集云 武進尉

遊越谿

谿水碧悠悠猿聲斷客愁漁潭逢釣楫月浦值孤

舟訪泊隨煙火迷途視斗牛今宵越鄉意還取醉忘憂

張良璞 國秀集云 長安尉

覽史

享年八十已歷數窮蒼生七虎門源上咆哮關內鳴建都用鶉宿設險因金城舜曲煙火起汾河珠翠明海雲引天仗朔雪留邊兵作孽人怨久其亾鬼信盈素靈感劉李白馬從子嬰昏虐不務德百代無芳聲

程彌綸 國秀集云進士

懷魯

曲阜國尼丘山周公邈難問夫子猶啓關履風雲
兮若見游夏興兮魯顏天孫天孫何爲今兮學且
難負星明而遊閑閑

梁洽 國秀集云進士

觀漢水

發源自蟠冢東注經襄陽一道入溟渤別流爲滄
浪求思泳游女投弔悲昭王水濱不可問日暮空

湯湯

王羨門 見國秀集

都中閑居

君王巡海內北闕下明臺雲物天中少煙花歲後
來河從御苑出山向國門開寂寞東京裏空留賈
誼才

盛唐第一百三

春河多曉波出山向國門開
寒雲東上京裏空
西買
古玉巡城內出關
丁卯
雲霧渺天中
少
數
芳
氣
妙

盛唐第一百四

唐詩紀一百六十四

鄆郡吳 瑄彙編
鄆郡俞體初同校

沈千運

篋中集序畧云近世作者更相沿襲流易為辭吳興沈千運獨挺流俗之中強

攘已溺之後凡所為文皆與時異後世稍見師效

贈史修文

故人阻

一作隔

千里會面非前期握手於此地當歡

反成悲念離宛猶昨俄已二十

一作經數

蒼疇昔皆少

年別來鬢如絲不道舊姓名相逢知是誰曩遊盡

騫翥與君仍布衣豈曰無其才命理應有特別路
漸欲少不覺生涕洟

汝墳

紀事作感懷

示弟妹

今日天氣煖東風杏花坼筋力久不如却羨

一作慙歎

澗中石神仙杳難信

一作準

中壽稀

一作纒

滿百近

一作

逐世多天傷喜見鬢髮

一作髭鬢

白杖藜竹樹間宛宛

舊行跡豈知林園

紀事作園中

主却是林園

紀事作園中

客

兄弟所

一作可

存半空為亡者惜冥冥

一作冥冥

無再期

哀哀望松柏骨肉能幾人年大自

紀事作老漸

踈隔性

情誰免此與我不相易

紀事作而我何不易

唯念

紀事作願

得爾

輩時

紀事作相

看慰朝夕平生茲

紀事作只

已矣此外盡非

適

紀事作逸

濮中言懷

聖朝優賢良草澤無遺匿人生各有命在余胡不

淑一生但區區五十無寸祿衰退當棄捐貧賤招

毀

紀事作時

讙栖栖去人世屯躋日窮迫

紀事作逼

不如守

田園歲晏望豐熟壯年失宜盡老大無筋力始愴

前計非將貽後生福童兒新學稼少女未能織顧

詩經 卷之二 百四
此煩知已終日求衣食

山中作

棲隱別無事所願離風塵

一作早 離塵

不辭城邑遊禮

樂拘束人邇來歸山林庶

一作世

事皆吾身何者為

形骸辨智與諸仁

紀事作誰 是智與仁

寂寞了閑事而

一作然

後知天真咳唾矜

一作驚

榮華迂俯相屈伸何如巢

與由天子不得臣

古歌

北邙不種田但種松與柏松柏未生處畱待市朝

客

于逖

沈千運同時人李白獨孤及 皆有詩贈之詩見篋中集

憶舍弟

衰門少兄弟兄弟唯兩人饑寒各流浪感念傷我
神夏期秋未來安知無他因不願別天長但願見
爾身茫茫天地間萬類各有親安知汝與我垂隔
同胡秦何時對形影憤懣當共陳

野外作

老病無樂事歲秋悲更長窮郊日蕭索生意已蒼

黃小弟髮亦白兩男俱不強有才且未達况我非
 賢良幸以朽鈍姿野外老風霜寒鴉噪晚景喬木
 思故鄉魏人宅蓬池結網佇鱸魴水清魚不來歲
 暮空彷徨

孟雲卿

平昌人第進士為校書郎與杜甫元結最善按元結送孟校書往南海詩序云

雲卿與次山同州里以辭學相友善又袁郊甘澤謠云陶峴開元中與樊口進士孟雲卿奏清商曲於江湖號水仙是雲卿為武昌人○高仲武云孟君詩祖述沈千運賦中卜首又漁獵陳拾遺詞氣傷古怨者之流

古別離

朝日上高臺離人怨秋草但見萬里天不見萬里

道君行本迢

一作遙

遠苦樂良

一作誠

難保宿昔夢同

衾憂心常傾

一作顛

倒含酸欲誰訴展轉傷懷抱結

髮年已遲征行去何早寒暄有時謝憔悴難再好
 人皆筭年壽死者何曾老少壯無見期水深風浩

浩

天土日今別離

結髮生別離相思復相保如何日已久五變中庭

草渺渺大

一作天

海途悠悠吳江島但恐不出門出

詩已

感唐卷之二百四

四

詩經 卷之二 四
門無遠道遠道行既難家貧衣復一作單巖風吹
積雪晨起鼻何酸人生各有志豈不懷所安分明
天上日生死願同歡一作觀

悲哉行

孤兒去慈親遠客喪主人莫吟苦辛曲此曲誰忍
聞可聞不可說去去無期別行人念前程不待參
辰沒朝亦常苦饑飄飄萬餘里貧賤多是非少年
莫遠遊遠遊多不歸

行行且遊獵篇

少年多武力勇氣冠幽州何以縱心賞馬蹄春草
頭遲遲平原上狐兔奔林丘猛火忽前逝俊鷹連
下韝俯身逐南北輕捷固難儔所發無不中失之
如我讐豈唯務馳騁猗爾暴田疇殘殺非不痛古
來良有由

古挽歌

草草問一作巷喧塗車儼成位冥冥一作寂何所須
盡我生人意北邙路非遠此別終天地臨穴頻撫
棺至哀反無淚爾形未衰老爾息纔童稚骨肉安

可離皇天若容易房帷卽靈帳庭宇爲哀次薤露
歌若斯人生盡如寄

放歌行

吾觀天地圖世界亦可小落落大海中飄浮數洲
島賢愚與蟻蝨一種同草草地脉日夜流天衣有
時掃東山謁居士了我生死道目見難噬臍心通
可親腦軒皇竟磨滅周孔亦衰老永謝當時人吾
將寶非寶

傷懷贈故人

稍稍晨鳥翔淅淅草上霜人生早罹

一作苦壽命

恐不長二十學已成三十名不彰豈無同門友貴
賤易中腸驅馬行萬里悠悠過帝鄉幸因絃歌末
得上君子堂衆樂互喧奏獨子備笙簧坐中無知
音安得神揚揚願因高風起上感白日光

鄴城懷古

朝發淇水南將尋北燕路魏家舊城闕寥落無人
住伊昔天地屯曹公獨中據羣臣將北面白日忽
西暮三臺竟寂寞

一作

萬事良難固雄豪

一作安

詩經
在哉衰草沾霜露崔魏長河北尚見應劉墓古樹
藏龍蛇荒茅伏狐兔永懷故池館數子連章句逸
興驅山河雄詞變雲霧我行覩遺跡精爽如可一作
相遇斗酒將酌君悲風白楊樹

傷情

爲長心易憂早孤意常傷出門先躊躇入戶亦彷徨
此生一何苦前事安可忘兄弟先我沒孤幼盈
我傷舊居近東南河水新爲梁松柏今在茲安忍
思故鄉四時與日月萬物各有常秋風已一起草

木無不霜行行當自勉

一作勉旃不忍再思量

傷時二首

徘徊宋郊上不覩平生親獨立正傷心悲風來孟
津大方載羣物生死有常倫虎豹不相食哀哉人
食人豈伊逢世運天道亮云云

太空

一作虛

流素月三五何明

一作皎

明光耀侵白日

賢愚迷至精四時更變化天道有虧盈常恐今夜

一作已

沒須臾還復生

田園觀雨兼晴後作

貧賤少情欲借一作荒種南陂我非老農圃安得

良土宜秋成不廉儉歲餘多餒饑顧視倉廩間有

糧不成炊晨登南園上暮歎清蟬悲早苗既芘芘

晚田尚離離五行孰堪廢萬物當及時賢哉數夫

子開翅慎勿遲

對大丈汴河阻風

清晨自梁宋挂席之楚荆出浦風漸惡傍灘舟欲

橫大河噴東注羣動皆宿一作冥白霧魚龍氣黑

雲牛馬形蒼茫迷所適危安懼暫寧信此天地內

孰為身命輕丈夫苟未達所向須存誠前路捨舟

去東南仍一作曉晴

行路難

君不見高山萬仞連蒼昊天長地久成埃塵君不

見長松百尺多勁節狂風暴雨終摧折古今何世

無聖賢吾愛伯陽真乃天金堂玉闕朝羣仙拍手

東海成桑田海中之水慎勿枯烏鳶啄蚌傷明珠

行路難艱險莫踟躕

途中寄友人

昔時聞遠路謂是等閒行及到求人地始知爲客
情事將公道背塵遶馬蹄生儻使長如此便堪休
去程

寒食

二月江南花滿枝他鄉寒食遠堪悲貧居往往無
煙火不獨明朝爲子推

張彪

潁上人杜甫有寄張十二山人彪詩詩見篋中集

古別離

一作趙微明詩

別離無遠近事歡情亦悲不聞車輪聲後會將何

時去日忘寄書來日垂前期縱知明當返一息千
萬思

雜詩

富貴多勝事貧賤無良圖上德兼濟心中才不如
愚商者多巧智農者爭一作多膏腴儒生未遇時衣
食不自如久與故交別他榮我窮居到門懶入門
何況千里餘君子有褊性况紀事作矧乃尋常徒行行
任天地無爲強親踈

神仙

神仙可學無百歲名大約天地何茫茫人間半哀
樂浮生亮多感善事翻爲惡爭先等驅逐中路苦
瘦弱長老思養壽後生笑寂寞五穀非長年四氣
乃靈藥別子何必待吾心滿寥廓

北遊還酬孟雲卿

忽忽望前事志願能相乖衣馬日羸弊誰信文與
才善道居貧賤潔服蒙塵埃行行無定心坎壈難
歸來慈母憂疾疹室家念低摧一作與君宿姻親
深見中外懷俟余惜時節悵望臨高臺

元季川

紀事云季川名融次山之弟次山作處
規云季川日旣復不言旣有意乎旣况

之別稱其詩
見篋中集

古遠行

悠悠遠行者羈獨當時思道與日月長人無第一作

茅舍期出門萬里心誰不傷別離縱遠當白髮歲

月悲今時何況異形容安須與爾悲

泉上雨後作

風雨蕩煩暑雷息佳霽初衆峯帶雲色秋一作清氣

入我廬颯颯涼飈來窺臨愜所圖綠蘿長新蔓裏

言系
盛唐卷之一百四
裹垂座隅流水復簷下丹砂發清渠一作渠養葛爲
我衣種芋爲我蔬誰是晚與畦瀟漫連野蕪

登雲中

灌田東山下取樂在爾休清興相引行日日三四
周白鷗與我心不厭此中遊窮覽頗有適不極趣
無幽慘然歌采薇曲盡心悠悠

山中晚興

河漢降玄霜昨來節物殊媿無神仙姿豈有陰陽
俱靈鳥望不見慨然悲高梧華葉隨風揚珍條雜

榛蕪爲君寒谷吟歎息知何如

趙微明

其詩見
篋中集

挽歌詞

寒食蒿上明淒淒郭東路素車誰家子丹旌引將
去原下荆棘叢叢邊有新墓人生一作問痛長別此
是長別處曠野何蕭條風悲一作青松白楊樹

思歸

爲別未幾日一日如三秋猶疑望可見日日上高
樓唯見分手處白蘋滿芳洲寸心寧死別不忍生

離憂

既老又不全始得離邊城一枝假枯木步步向南

行去時日一百來時月一程常恐道路傍掩棄狐
兔瑩所願死鄉里到日不願生聞此哀怨詞念念
不忍聽惜無異人術倏忽具爾形

陶峴

淵明之後開元末家崑山豐田疇

西塞山下迴舟作

紀事云峴泛遊江湖自製三舟與孟彦深孟雲卿焦遂共載吳越之士號為水仙省親南

海獲崑崙奴名摩訶善遊水至西塞山下泊舟吉祥佛舍見江水深黑謂必有怪物投劍命摩訶下取久之支體磔裂浮於水上峴流涕迴棹賦詩自叙不復遊江湖矣

匡廬舊業是誰

一作自有

王吳越新居安此生白髮數

莖歸未得青山一望計還成

一作程

鴉

一作鶴

翻楓葉

夕陽動鷺立蘆花秋水明從此捨舟何所詣酒旗
歌扇正相迎

孟彦深

字士源天寶初登進士為武昌令

元次山居武昌之樊昌新春大雪以詩問

之

江山十日雪雪深江霧濃起來望樊山但見羣王
峯林鶯却不語野獸翻有蹤山中應大寒短褐何
以完一作安皓氣凝書帳清看釣魚竿懷君欲進謁
谿滑渡舟難

韋建

與蕭穎士遊
見穎士傳

泊舟盱眙

一作常
建詩誤

泊舟淮水次霜降夕流清夜久潮侵岸天寒月近
城平沙依鴈宿候館聽雞鳴鄉國雲霄外誰堪羈
旅情

鄒象先

蕭穎士同年生
也為臨渙尉

寄蕭穎士補正字

六月度開雲二峯翫山翠爾時黃綬屈別後青雲
致

殷寅

與蕭穎士友
善見穎士傳

銓試後徵山別業寄源侍御

別業在徵山登高望畿甸嚴令天地肅城闕如何
見藹藹王侯門華軒日遊街幸逢休明代山虜尚
交戰投策去園林率名皆拜選聖君性則哲濟濟

多英彥裴楷能清通山濤急推薦謏才甘自屏薄
伎忝餘眷雖承國士恩尚乏中人援疇昔相知者
今茲秉天憲朱紱何赫赫繡衣復葱蒨

玄元皇帝應見賀聖祚無疆

應曆生周日修祠表漢年復茲秦嶺上更似霍山
前昔贊神功啓今符聖祚延已題金簡字仍訪玉
堂仙睿祖光元始曾孫體又玄言因六夢接慶叶
九齡傳北闕心超矣南山壽固然無由同拜慶竊
抃賀陶甄

趙驊

字雲卿開元進士第嘗陷祿山賊首江
尉後爲秘書少監與顏真卿蕭穎士善

玄元皇帝應見賀聖祚無疆

聖主今司禊神功格上玄豈惟求傳野更有叶鈞
天審夢南山下焚香北闕前道光尊聖日福應集
靈年咫尺真容近巍峩大像懸觴從百僚獻形爲
萬方傳聲教惟皇矣英威固邈然慚無美周頌徒
上祝堯篇

李岑

玄元皇帝應見賀聖祚無疆

皇綱歸有道帝系祖玄元運表南山祚神通北極
尊大同齊日月興廢應乾坤聖后趨庭禮宗臣稽
首言千官欣肆覲萬國賀深恩錫宴雲天接飛聲
雷地喧祥光浮紫閣喜氣繞皇軒未預承天命空
勤望帝門

張松齡

志和兄

和荅弟志和漁父歌

樂在風波釣是閑草堂松逕已勝攀太湖水洞庭
山狂風浪起且須還

張志和

隱逸傳云字子同金華人始名龜齡
夢楓生腹上而產擢明經肅宗命待詔
翰林因賜今名後坐貶不復仕居江湖自稱
煙波釣徒著玄真子亦以自號時謂嚴光之
比

漁父歌

西塞山前白鷺飛桃花流水鱖魚肥青箬笠綠蓑
衣斜風細雨不須歸
釣臺漁父褐爲裘兩兩三三舴艋舟能縱棹慣乘
流長江白浪不曾憂
雪谿灣裏釣漁翁舴艋爲家西復東江上雪浦邊

風笑著荷衣不歎窮
松江蟹舍主人歡菰飯莼羹亦共餐
楓葉落荻花乾醉宿漁舟不覺寒
青草湖中月正圓巴陵漁父棹歌連釣車子櫂頭
船樂在風波不用仙

漁父

八月九月蘆花飛南谿老人垂釣歸秋山入簾翠
滴滴野艇倚檻雲依依却把漁竿尋小逕閑梳鶴
髮對斜暉翻嫌四皓曾多事出為儲皇定是非

盛唐第一百五

唐詩紀一百六十五

鄆郡吳 瑄彙編

鄆郡 體初同校

獨孤及

唐書云字至之洛陽人為兒時讀孝經

父試之曰兒志何語對曰立身行道揚名於後世宗黨奇之天寶中以道舉高第補華陰尉歷官左拾遺禮部員外濠舒二州刺史以治課加司封郎中賜金紫徙常州卒謚曰憲○崔祐甫曰常州之文立憲誠世衰賢遇惡為用故議論最長其或列於碑頌流於詠歌峻如嵩華盛於江河

五言古詩

海上寄蕭立

朔風剪塞草寒露日夜一作始結行行到瀛壖歸思

生暮節驛樓見萬里延首望遼碣遠海入大荒平

蕪際窮髮舊國在夢想故人胡且越契闊阻風一作

夙期荏苒成雨別海西望京口兩地各天末索居

動經秋再笑知曷月品彙無此二句日南望中盡一作目窮南雲

盡唯見飛鳥滅音一作清塵未易得何由一作以慰饑

渴

三月三日自京到華陰水亭獨酌寄裴六

薛八

祇役匪遑息經時客三秦還家問節候知到上巳

辰山縣何所有高城閉青春和風不吾欺桃杏滿

四鄰舊友適遠別誰當接歡欣呼兒命長瓢獨酌

湘吳醇一酌一朗詠既酣意亦申言筌斲兩忘霞

月祇相新裴子塵表物薛侯席上珍寄書二傲吏

何日同車茵詎肯挾空名終然羈此身他年解桎

梏長作海上人

代書寄上裴六冀劉二穎

昔余馬首東君在北海汭音入盡屏簿領書相與

言終
議巖穴載來詣佳境每山有車轍長嘯林木動高
歌唾壺缺此辭月未周虜馬嘶絳闕猛虎踞大道
九州當中裂聞君棄孤城猶自握漢節耻栖惡木
影忍與故山別脫鳥挂嶺雲罔然若鳥逝入聲唯留
潺湲水分付練谿月爾來大谷梨白花再成雪關
梁限天塗歡樂竟兩絕大盜近削平三川今底寧
白芒布春令屏翳收雷霆伊洛日夜漲鳴臯蘭杜
青騫騫兩黃鵠何處遊青冥疇昔切玉刃應如新
發硎及時當樹勳高懸景鐘銘莫抱白雲意徑往

丹丘庭功成儻長揖然後謀滄溟

客舍月下對酒醉後寄畢四耀

鄉路風雪深生事憂患迫天長波瀾廣高舉無六
翮獨立寒夜移幽境思彌積霜月照膽淨銀河入
簷白沽酒聊自勞開樽坐簷隙主人奏絲桐能使
高興劇清機暫無累獻酢更絡繹慷慨葛天歌情
愔廣陵陌既醉萬事遺耳熱心亦適視身兀如泥
瞪目傲今昔故人問城闕音信兩脉脉別時前盟
在寸景莫自擲

先自畢贈及詩云洪鑪無火停日
月速若飛忽然行人身飲酒不須

詩紀
盛唐卷之一百五
疑心與白日鬪十無一滿百寓形新火內其作天
地客與物無親踈斗酒勝竹帛何必用自苦將貽
古賢責

下弋陽江舟中代書寄裴侍御

故鄉隔西日去水連長天前路知幾許但指天南
邊愴恨極浦外隱映青山連東風滿帆來五兩如
弓絃遙羨繡衣客罔然馬首先得餐武昌魚不顧
潯陽田屈指數別日忽乎成兩年百花已滿眼青
草漸碧鮮豈是離居時柰何于役牽洞庭有深涉

蜀日期歸旋且作異鄉料詎知攜手緣離憂未易
銷莫道樽酒賢

癸卯歲赴南豐道中聞京師失守寄權士
繇韓幼深

種田不遇歲策名不遭時胡塵晦落日西望泣路
岐猛虎嘯北風麕鹿皆載馳深泥駕疲牛蹠蹕余
何之詰屈白道轉繚繞清谿隨荒谷嘯山鬼深林
啼子規長歎指故山三奏歸來詞不逢眼中人調
苦車透遲士繇松筠操幼深瓊樹姿別來平安否

詩系 盛唐卷之二五
何階一申眉白雲失帝鄉遠水限天涯昂藏雙威
鳳曷月還西枝努力愛華髮盛年振羽儀但今屯
難康不負滄洲期莫作新亭泣徒使夷吾嗤

賈員外處見中書賈舍人巴陵詩集覽之
懷舊代書寄贈

海岸望青瑣雲長天漫漫十年不一展知有關山
難適逢阮如平立馬問長安取公詠懷詩示我江
海瀾暫若窺武庫森然矛戟寒眼明遺頭風心悅
忘朝餐大駕金返正態罷扈鳴鑿公遊鳳凰沼獻

可在筆端繫越有長纓封關祇一丸罔然翔寥廓
仰望慚羽翰嘉會不我與相思歲云殫唯當袖佳
句持比青琅玕

代書寄上李廣州

峽水望番禺迢迢青天末鴻鴈飛不到音塵何由
達獨有輿人歌隔雲聲誼聒皆稱府君仁百越賴
全活推誠魚鱉信持正魑魅怛疫民保中和性足
無天闕天子咨四岳佇公濟方割幾時復旋歸入
踐青瑣闥賤子託明德繚若松上葛別離鄙恡生

詩紀 盛唐卷之三百五
三
結念思所豁門欄關山阻岐路天地闊唯憑萬里
書持用慰饑渴

夏日訓于逃畢耀向病見贈

救物智所昧學仙願未從行藏兩垂角蹭蹬風波
中薄宦耻降志臥病非養蒙閉關涉兩旬羈思浩
無窮鸞鷲何處來雙舞下碧空離別隔雲雨惠然
此相逢把手賀疾間舉杯欣酒濃新詩見久要清
論激深衷高館舒夜簟開門延微風火雲赫嵯峨
日暮千萬峯遙指故山笑相看撫號鐘聲和由心

親

一作清

事感和氣同出處未易料且歌緩愁容願

君崇明德歲暮如青松

訓梁二十宋中所贈兼畱別梁少府

少讀黃帝書肯不笑機事意猶負深衷未免名跡
累厭貧學干祿欲詢賓王利甘爲風波人豈復江
海意擔簦平臺下是日飲羈思逢君道寸心暫喜
一交臂緒言未及竟離念已復至甯侯望南丘雲
雨成兩地途殊跡方間河廣流且駛暮帆望不及
覽贈心欲醉愛君如金錫昆弟皆茂意奕赫連絲

詩紀
盛唐卷之二十五
衣榮養能錫類君子道未長深藏青雲器巨鱗有
縱時今日不足議唯當加餐飯好我袖中字別離
動經年莫道分首易

庚子歲避地至玉山訓韓司馬所贈

滄海疾風起洪波駭恬鱗已無濟川分甘作乘桴
人揮手謝秣陵舉帆指甌閩安知風塵表偶與瓊
瑤親共悲行路難况逢江南春故園如在夢返復
知何辰曠野豺虎滿深山蘭蕙新枉君灞陵什迴
首徒酸辛

奉和李大夫同呂評事太行苦熱行兼寄
院中諸公

駟馬上太行脩途亘遼碣王程無畱駕日昃未遑
歇請問此何時恢台朱明月長虵稽天討上將方
北伐明主命使臣皇華得時傑已忘羊腸險豈憚
濕風熱搖策汗滂滄登岸思紆結炎雲如煙火谿
谷將恐竭晝景艱可畏涼飈何由發山長飛鳥墮
目極行車絕趙魏方俶擾安危俟明哲歸路豈不
懷飲冰有苦節會同傳檄至疑議立談决况有阮

言終
盛唐卷之二五
元瑜翩翩秉書札起予歌赤坂永好踰白雪誰念
剖竹人無因執羈縶

訓皇甫侍御望夫灕山見示之作

早歲慕五嶽嘗爲塵機礙孰知天柱峯今與郡齋
對隱嶙抱元氣氤氲含青靄雲崖媚遠空石壁寒
古塞漢皇南遊日望秩此昭配法駕到谷口禮容
振荒外焚柴百神趨執玉萬方會天旋物順動德
布澤霽霈講武威已耀學仙功未艾黃金竟何成
洪業遽淪昧度世若一瞬昨朝已千載如今封禪

壇唯見雲雨晦長望哀往古勞生慙大塊清暉幸
相娛幽獨知所賴寒城春方正初月明可愛萬殊
喜陽和余亦荷時泰山色日夜綠下有清淺瀨愧
作拳僂人沈迷簿書內登臨歎拘限出處悲老大
况聽郢中曲復識湘南態思勉物累牽敢令道機
退瞞然誦佳句持此秋蘭佩

送陳兼應辟兼寄高適賈至

結綠處燕石卞和不必知所以王佐才未能忘茅
茨罷官梁山外穫稻楚水湄適會傳巖人虛舟濟

川時天網忽搖頓公才難棄遺鳳凰翔千仞今始
一鳴岐上馬指國門舉鞭謝書帷預知大人賦掩
却歸來詞天子方在宥朝廷張四維料君能獻可
努力副疇咨舊友滿皇州高冠飛翠旌相逢絳闕
下應道軒車遲高侯秉戎翰策馬觀西夷方從幕
中事參謀王者師賈生去洛陽焜耀琳琅姿芳名
動北步逸韻凌南皮肅肅舉鴻毛氷然順風吹波
流有同異由是限別離漢塞隔隴底秦川連鎬池
白雲日夜滿道里安可思夢想浩盈積物華愁變

衰因君附錯刀送遠益淒其四海各橫絕九霄應
易期不知故巢燕決起棲何枝

送相里郎中赴江西

君把一尺詔南遊濟滄浪受恩忘險艱不道岐路
長戎狄方構患休牛殊未遑三秦千倉空戰卒如
餓狼委輸資外府諏謀寄賢良有才當陳力安得
遂翱翔豈不慎井賦賦均人亦康遙知軒車到萬
室安耕桑火伏金氣騰昊天欲蒼茫寒蟬慘巴鄧
秋色愁沅湘昨日攜手西於今芸再黃歡娛詎幾

許復向天一方躋躅話世故惆悵舉離觴共求數
刻歡戲謔君此堂今日把手笑少時各他鄉身名
同風波聚散未易量曷月還朝天及時開智囊前
期儻猶闊加飯勉自強

觀海

北登渤海島迴首秦東門誰尸造物功鑿此天池
源瀕洞吞百谷周流無四垠廓然混茫際望見天
地根白日自中吐扶桑如何捫超遙蓬萊峯想像
金臺存秦帝昔經此登臨冀飛翻揚旌百神會望
日羣山奔徐福竟何成羨門徒空言唯見石橋足
千年潮水痕

初晴抱琴登馬退山對酒望遠醉後作

年長心易感况爲憂患纏壯圖迫世故行止兩茫
然王旅方伐叛虎臣皆被堅魯人著儒服甘就南
山田挈榼上高磴超遙望平川滄江大如綆隱映
入遠天荒服何所有山花雪中燃寒泉得日景吐
雷鳴湔湔舉酒勸白雲唱歌慰頽年微風度竹來
韻我號鍾絃一彈一引滿耳熱知心宣曲終余亦

言系
屈居卷之二
酣起舞山水前人生幾何時大半百憂煎今日羈
愁破始知濁酒賢白雲

同徐侍郎五雲谿新庭重陽宴作

萬峯蒼翠色雙谿清淺流已符東山趣况值江南
秋白露天地蕭黃花門館幽山公惜美景肯爲芳
樽留五馬照池塘繁絃催獻酬臨風孟嘉帽乘興
李膺舟騁望傲千古當歌遺四愁豈令永和入獨
擅山陰遊

雨晴後陪王員外泛後湖得谿字

遠山媚平楚宿雨漲清谿沿沂任舟楫歡言無町
畦酒酣相視笑心與白鷗齊

題思禪寺上方

谿口聞法鼓停橈登翠屏攀雲到金界合掌開禪
扃鬱律衆山抱空濛花雨零老僧指香樓云是不
死庭眇眇于越路茫茫春草青遠山噴百谷繚繞
馳東溟目極道一作想何在境照心亦冥騞然諸根
空破結如破甌品彙無此二句下視三界狹但聞五濁腥
山中有良藥吾欲隳天形

言糸
皇運偶中變長蛇食中土天蓋西北傾衆星隕如
季冬自嵩山赴洛道中作

皇運偶中變長蛇食中土天蓋西北傾衆星隕如雨胡塵動地起千里聞戰鼓死人成爲阜流血塗草莽策馬何紛紛捐軀抗豺虎甘心赴國難誰謂荼毒苦天子初受命省方造區宇斬鯨安溟波截鼇作天柱三微復正統五土歸文祖不圖漢官儀今日忽再覩升高望京邑佳氣連海浦寶鼎歆景雲明堂舞干羽虎臣激昂禦侮腐儒着縫掖何處議鄒魯西上鞞轅山丘陵橫今古和風

蒸萬物臘月春雷吐得爲太平人窮達不足數他日遇封禪著書繼三五

早發若峴驛望廬山

雨罷山翠鮮泠泠東風好斷崖雲山處是向峯頂道誰謂峯頂遠跂予可瞻討忘緣祛天機脫屣恨不早秣恐歲云暮遂與空名老心往跡未并慚愧山上草

寒夜谿行舟中作

日沈諸山昏寂歷羣動宿孤舟獨不繫風水夜相

言糸
逐雲歸恒星白霜下天地肅月輪大如盤金波入
空谷魏闕萬里道羈念千慮束倦飛思故巢敢望
梧與竹沈吟登樓賦中夜起三復憂來無良方歸
候春酒熟

壬辰歲過舊居

少年事遠遊出入燕與秦離居歲周天猶作勞歌
人負劒渡一作度潁水歸馬自知津緣源到舊廬攬
涕尋荒秦鄰里喜相勞壺觴展殷勤酒闌擊竹語
及此離會因大夫隨世波豈料百年身今日負鄙

願多慙故山春

丙戌歲正月出洛陽書懷

徃歲衣褐見受服金馬門擬將忠與貞來酬主人
恩天地暫雷雨洪波生平原窮鱗遂蹭蹬夙昔事
罕存幸逢帝出震授鉞清東藩白日忽再中萬方
咸酸奔王風從西來春光滿乾坤蟄蟲競飛動余
亦辭籠樊遭遇思自強寵辱安足言唯將四方志
迴首謝故園

傷春懷歸

誰謂鄉可望望在天地涯
但有時命同萬里共歲
華昨夜南山雨殷雷
坼萌芽源桃不余欺
先發秦人家寂寂戶外
掩遲遲春日斜源桃
默無言秦人獨長嗟
不惜中腸苦但言會
合賒思歸吾誰訴笑

南枝花

雜詩

日花結成子春物捨我去
流年惜不得獨坐空閨
暮心自有所待甘爲物
華悞未必千黃金買得
一人顧

山中春思

懶祭川水大人家春日長
獨謠晝不暮搔首慚年
芳靡草知節換含葩向
新陽不嫌三徑深爲我
生池塘亭午井竈閑
雀聲響空倉花落沒
屐齒風動羣木香歸
路雲水外天涯杳茫茫
獨卷萬里心深入山
鳥行芳景勿相迫
春愁未遽忘

盛唐第一百五

盛唐第一百六 唐詩紀一百六十六

鄆郡吳 瑄彙編

鄆郡俞體初同校

獨孤及

七言古詩

雨後公超谷北原眺望寄高拾遺

崖口雨足收清光洗高天虹蜺歛殘靄山水含碧
鮮遠空霞破露月輪薄雲片片成魚鱗五陵如薺
渭如帶目極千里關山春朝來爽氣未易說畫取

詩集
盛唐卷之二
花峯贈遠人

自東都還濠州奉詔王八諫議見贈

關西仕時俱稚容彪彪之髮始相逢天地變化縣

城改

天寶中及尉華陰鄭縣別後經祿山之亂鄭縣殘毀城移于州西

獨有故人

交態在不言會合跡未并猶似歲寒心相待洛陽
居守寄鄴侯君着貂冠參運籌高閣連雲騎省夜
新文會友涼風秋青袍白面昔攜手冉冉府趨君
記否雲分雨散十五年始得一笑樽酒前未遑少
畱驟遠別况值旅鴈鳴秋天二華舊遊如夢想他

時再又何由緣賴天贈我郢中曲別後相思被管
絃

官渡柳歌送李員外承恩往揚州覲省

君不見宮渡河兩岸三月楊柳枝千條萬條色色
色勝綠綠花作鉛粉絮葉成翠羽帳此時送遠人
悵望春水上遠客折楊柳依依兩含情夾郎木蘭
舟送郎千里行郎把紫泥書東征覲庭闈脫却貉
襜褕新着五綵衣雙鳳并兩翅將雛東南飛五兩
得便風幾日到揚州莫貪揚州好客行剩淹畱郎

到官渡頭春蘭已應久殷勤道遠別爲謝大堤柳
攀條儻相憶五里一回首明年柳枝黃問郎還家
否

蓬萊驛夜宴平盧楊判官醉後贈別姚太
守置河留宴

驛樓漲海壖秋月寒城邊相見自不足况逢主人
賢夜清酒濃人如玉一斗何啻直十千木蘭爲樽
金爲杯江南急管_七女絃齊童如花解郢曲起舞
激楚歌采蓮固知別多相逢少樂極哀至心嬋娟

少留莫辭醉前路方悠然明日分飛儻相憶祇應
遙望西南天

同岑郎中屯田韋員外花樹歌

東風動地吹花發渭城桃李千樹雪芳菲可愛不
可留武陵歸客心欲絕金華省郎惜佳辰祗持棣
萼照青春君家自是成蹊處况有庭花作主人

和李尚書畫射虎圖歌

饑虎呀呀立當路萬夫震恐百獸怒形弓金鏃當
者誰鳴鞭飛控流星馳居然畫中見真態若務除

詩紀
盛唐卷之二
惡不顧私時和年豐五兵已白額未誅壯士耻分
銖遠邇懸殼中不中不發思全功捨矢如破石可
裂應絃盡敵山爲空殺氣滿堂觀者駭颯若崖谷
生長風精微入神在毫末作績造物可同功方叔
秉鉞受命新丹青起予氣益振底綏靜難巧可擬
嗟歎不足聲成文他時代天育萬物亦以此道安
斯民

和贈遠

憶得去年春風至中庭桃李映瑣牕美人挾瑟對

芳樹玉顏亭亭與花雙今年新花如舊時去年美
人不在茲借問離居恨深淺祗應獨有庭花知

和題藤架

尊尊葉成幄璀璨花
落架花前離心苦愁至無日
夜人去藤花千里強藤花無主爲誰芳相思歷亂
何由盡春日迢迢如線長

五言律詩

江上代書寄裴使君

何地離念劇江臯風雪時艱難傷遠道老大怯前

言
期疇昔行藏計祗將力命推能令書信數猶足緩
相思

詣開悟禪師問心法次第寄韓郎中

障深聞道晚根鈍出塵難濁劫相從慣迷途自謂
安得知身垢妄始喜額珠完欲識真如理 嘗法
味看

登凌湖亭傷春懷京師故舊

昨日看搖落驚秋方怨谷幾經開口笑復及看花
時世事空名束生涯素髮知山山春草滿何處不

相思

暮春於山谷寺上方遇恩命加官賜服訓

皇甫侍御見賀之作

天書到法堂朽質被榮光自笑無功德殊恩謬激
揚還登建禮署猶忝會稽章佳句慙相及稱仁豈
易當

荅李滁州題庭前石竹花見寄

殷烏關疑曙霞染巧類匣刀裁不怕南風熱能迎
小暑開遊峯憐色好思婦感年催覽贈添離恨愁

陽日幾迴

得李滁州書以玉潭莊見託因書春思以

詩答

春物行將老懷君意詎堪朱顏因酒強白髮對花
慙日日思瓊樹書書話玉潭知同百口累曷日辦
抽簪

答李滁州憶玉潭新居見寄

從來招隱地未有剖符人山水能成癖巢夷擬獨
親猪肝無足累馬首敢辭勤掃灑潭中月他時望

德鄰

將赴京答李紆贈別

膠漆常投分荆蠻各倦遊帝鄉今獨往溝水便分
流甘作遠行客深慙不繫舟思君帶將緩豈直日
三秋

和張大夫秋日有懷呈院中諸公

至公無暇日高閣閉秋天肘印拘王事籬花思長
年績成心不有慮澹物猶牽竊効泉魚躍因聞郢
曲研

和大夫秋夜書情即事

上畧當分閫高情善閉關忘機羣動息無戰五兵
閑鈴閣風傳漏書牕月滿山方知秋興作非惜二
毛斑

送虢州王錄事之任

謂子文章達當年羽翼高一經俄白首三命尚青
袍未遇須藏器安卑莫告勞盤根儻相值試用發
礪刀

送長孫將軍拜歙州之任

臨難敢橫行遭時取盛名五兵常典校四十又專
城浪逐樓船破風從虎竹生島夷今可料繫頸有
長纓

送何員外使湖南

夙昔皆黃綬差池復瑣闈上田無晚熟逸翮果先
飛前路舟休繫故山雲不歸王程儻未復莫遣鯉
書稀

送江陵全少卿赴府任

冢司方春選劇縣得英髦固是攀雲漸何嗟趨府

詩紀 盛唐卷之一頁
勞楚山迎驛路漢水漲秋濤騫翥方茲始看君六
翮高

送虞秀才擢第歸長沙

充賦名今遂安親事不違甲科文比玉歸路錦爲
衣海運同鷗化風帆若鳥飛知君到三逕松菊有
光輝

送楊翟張主簿之任

舊聞楊翟縣西接鳳高山作吏同山隱知君處劇
閑少年當効用遠道豈辭艱遲子揚名後方期綵

服還

送游員外赴淮西

多君有奇畧投筆佐元戎已佩郎官印兼乘御史
驄使星隨驛騎歸路有秋風莫道無書札他年懷
袖空

送馬鄭州

使君朱兩轡春日整東轅芳草成臯路青山涼水
源勉修循吏跡以謝主人恩當使仁風動遙聽輿
頌誼

送義烏韋明府

妙年能致身陳力復安親不憚關山遠寧辭簿領
勤過江雲滿路到縣海為鄰每歎違心賞吳門正
早春

送陳王府張長史還京

論齒弟兄列為邦前後差十年方一見此別復何
嗟極目故關道傷心南浦花少時相憶處招手望
行車

水西館泛舟送王員外

單醪敢獻酢曲沼荷經過汎覽親魚鳥寅緣涉芰
荷劇談增惠愛美景借清和明日汀洲草依依柰
別何

李卿東池夜宴得池字

政成機不擾心愜宴忘疲去燭延高月頃壘就小
池舞盤迴雪動絃奏躍魚隨自是山公興誰令下
士知

九月九日李蘇州東樓宴

是菊花開日當君乘興秋風前孟嘉帽月下庾公

言
樓酒解留征客歌能破別愁醉歸無以贈祇奉萬
年酬

蕭文學山池宴集

檀欒千畝綠知是辟疆園遠岫當庭戶諸花覆水
源主人邀盡醉林鳥助狂言莫問愁多少今皆付
酒樽

與韓侍御同尋李七舍人不遇題壁留贈

三逕何寂寂主人山上山亭空簷月在水落釣磯
閑藥院雞犬靜酒壚苔蘚斑知君少機事當待暮

雲遠

七言律詩

喜辱韓十四郎中書兼封近詩示代書題
贈

各牽于彼間遊遨獨坐相思正鬱陶長跪讀書心
蹇緩短章投我曲何高宦情緣木知非願王事敦
切丁回人敢告勞所歎在官成遠別徒言岷水纔去聲

容舫

早發龍沮館舟中寄東海徐司倉鄭司戶

沙禽相呼曙色分
漁浦鳴榔十里聞
正當秋風渡
楚水況值遠道傷
離羣津頭却望後
湖岸別處已
隔東山雲停艫
目送北歸翼
惜無瑤華持寄君

訓常郡縣見贈

愛君修政若修身
鰥寡來歸乳雉馴
堂上五絃銷
暇日邑中千室有
陽春謂乘鳧
寫朝天子却愧猪
肝累主人辭後
讀君懷作縣定知
三歲字猶新

登山谷寺上方
答皇甫侍御臥疾
闕陪車
騎之後

梵宮香閣攀霞上天
柱孤峯指掌看
漢主馬蹤成

蔓草寺中間石上有罅穴古法王身相示空棺禪

第二祖燦大師遺塔如此坊大寶中別駕李常開棺取金身荼毘收舍利重起塔供養雲

扶踴塔青霄庫皮寄松廡禪庭白日寒
不見戴逵

心莫展賴將新贈此琅玕

答皇甫十六侍御北歸留別作

正當楚客傷春地
豈是騷人道
別時俱狗空名嗟
欲老況將行役料
前期勞生多故應
同病羸馬單
車莫自悲
明日相望隔雲水
解顏唯有袖中詩

言
卷之三百一
三
答李滁州見寄

相逢劇歎別離牽
三見江臯蕙草鮮
白髮俱生歡未再
滄洲獨往意何堅
愁看郡內花將歇
忍過山中月屢圓
終日望君休汝騎
愧無堪報起予篇

得柳員外書封寄近詩書中兼報新主行營兵馬因代書戲答

郎官作掾心非好
儒服臨戎政已聞
說劍嘗宗漆園吏
戒嚴應笑棘門軍
遙知抵掌論皇道
時復吟詩向白雲
百越待君言卽叙
相思不敢愴離羣

同皇甫侍御齋中春望見示之作

望遠思歸心易傷
況將衰髮偶年光
時攀芳樹愁花盡
晝掩高齋厭日長
甘比流波辭舊浦
忍看新草遍橫塘
因君贈我江楓詠
春思于今未易量

傷春贈遠

去水流年日並馳
年光客思兩相隨
咨嗟斑髮今承弁
慙愧新荷又發池
楊柳逶迤愁遠道
鷓鴣啁晰怨南枝
憶君何啻同瓊樹
但向春風送別離

五言排律

奉和中書常舍人晚秋集賢院卽事寄贈
徐薛二侍御

漢家金馬署帝座紫微郎圖籍凌羣玉歌詩冠柏
梁陰陰萬年樹肅肅五經堂揮翰忘朝食研精待
夕陽晴空露盤迴秋月瑣牕涼遠興生斑髮高情
寄縹囊葳蕤雙鸞鴛夙昔並翱翔汲冢同刊謬蓬
山共補亡差池推羽翮流落限江湘禁省一分袂
旻天三兩霜石渠遺跡滿水國暮雲長早晚朝宣
室歸時道路光

江寧訓鄭縣劉少府兄贈別作

往年脫縫掖接武仕關西結綬腰章並趨堦手板
齊仙山不用買朋酒日相携抵掌誇譚壑忘情向
組珪事遷時旣往年長跡逾睽何爲青雲器猶嗟
濁水泥役牽方遠別道在或先迷莫見良田晚遭
時亦杖藜

道李賓客荆南迎親

宗室劉中壘文場謝客兒當爲天北斗曾使海西
陸毛節精誠著銅樓羽翼施還申供帳別言赴倚

詩經 卷之三
門期恩渥霑行李晨昏在路岐君親兩報遂不敢
議傷離

五言絕句

題玉潭

碧玉徒強名冰壺難比德唯當寂照心可並齋淪
色

七言絕句

海上懷洛中舊遊寄鄭縣劉少府造渭南
王少府筓

涼風臺上三峰月

王任鄭縣日于城角築小臺號
涼風臺每與數公置酒登臨望

二華
雲月不夜城邊萬里沙離別莫言關塞遠夢魂長

在子真家

和虞部韋郎中尋楊駙馬不遇

金屋瓊臺蕭史家暮春三月渭州花到君仙洞不
相見謂已吹簫乘早霞

李張皇甫閻權等數公並有送別之作見

寄因答

洞庭正波蘋葉衰豈是秦吳遠別時謝君篋中綺

言系
盛唐卷之一頁
古
端贈何以報之長相思

將還越留別豫章諸公

客鳥倦飛思舊林徘徊猶戀衆花陰他時相憶雙
航葦莫問吳江深不深

送別荆南張判官

輜車駱馬往從誰夢浦蘭臺日更遲欲識桃花最
多處前程問取武陵兒

陪王員外北樓宴待月

勸酒論心夜不疲含情有待問誰思佇看晴月澄

澄影來照江樓酩酊時

垂花塢醉後戲題

賦得俱字
韻并序

莊周臺南十許步有丘一成上有樛藤垂花而
蔓草荒之且隔大溝路不可陟道士張太和伐
薪爲堰封土以壅澮余亦命雍氏治蕪穢而剗
宿莽遂闢爲登賦之位位廣二席席間足以函
尊酒二簋三月戊子及羣英由堰而升焉諸花
倒垂下拂杯案紫葩縹緹如釵如旒衆君子瞻
弄之不足故秉燭進酒以繼落日欲稱醉而不

能也因命其地曰垂花塢堰曰緣花塢亦飾之
以詩云

紫萼青條拂酒壺落花時與竹風俱歸時自負花
前醉笑向儵魚問樂無

盛唐第一百六

盛唐第一百七

唐詩紀一百六十七

鄆郡吳 瑄彙編

鄆郡俞體初同校

馮待徵

以下七人見
王臺後集

虞姬怨

妾本江南采蓮女君是江東學劍人逢君遊俠英
雄日值妾年華桃李春年華灼灼豔桃李結髮簪
花配君子行逢楚漢正相持辭家上馬從君起歲
歲年年事征戰侍君帷幙損紅顏不惜羅衣沾馬

言糸 盛唐卷之一百七
汗不辭紅粉着刀環相期相許定關中鳴鑿鳴珮
入秦宮誰誤四面楚歌起果知五星漢道雄天時
人事有興滅智窮計屈心摧折澤中馬力先戰疲
帳下蛾眉 君王是日無神彩賤妾此時容
貌改拔山意氣都已無渡江面目今何在終天隔
地與君辭恨似流波無息時使妾本來不相識豈
見中途懷苦悲

冷朝光

萬首唐絕
作後朝光

越谿怨

見王臺
後集

越王宮裏如花人越水谿頭采白蘋白蘋未盡人
先盡誰見江南春復春

衛萬

吳宮怨

見王臺
後集

君不見吳王宮闕

一作閣

臨江起不卷珠簾見江水

曉氣晴來雙闕間潮聲夜落千門裏句踐城中非

舊春姑蘇臺下

一作上

起黃塵祗今唯有西江月曾

照吳王宮裏人

李章

春遊吟 見王臺後集

初春遍芳甸十里藹盈矚美人摘新英步步玩春
綠所思杳何處宛在吳江曲可憐不得共芳菲日
暮歸來淚滿衣

王沈

婕妤怨 見王臺後集

長信梨花暗欲棲應門上鑰草萋萋春風吹花亂
撲戶一作石斑絕車聲不至啼

王偃

夜夜曲 見王臺後集

北斗星移銀漢低斑姬愁思鳳城西青槐陌上行
人絕明月樓前烏夜啼

明君詞

北望單于日半斜明君馬上泣胡沙一雙淚滴黃
河水應得東流入漢家

李暇

擬古東飛伯勞歌 見王臺後集

秦王龍劔燕后琴珊瑚寶匣鏤雙心誰家女兒抱

香枕開衾滅燭願侍寢瓊窓半上金縷幃輕羅掩
一作面不遮羞青綺帷
一作中坐相憶紅鸞鏡裏
見愁色簷花照月鶯對棲空將可憐暗中啼

怨詩三首

羅敷初總髻蕙芳正嬌小月落始歸船春眠怕着
曉

何處期郎遊小苑花臺間相憶不可見且復乘月
還

別前花照路別後露垂葉歌舞須及時如何坐悲

妾

碧玉歌

碧玉上宮妓出入千花林珠被玳瑁牀感郎情意
深

李澄之

吟窓雜錄稱其善五言詩

秋庭夜月有懷

見搜玉集

遊客三江外單棲百慮違山川憶處近形影夢中
歸夜月明虛帳秋風入搗衣從來不慣別况屬鴈
南飛

詩紀

盛唐詩卷之二十七

四

趙起

奉和登會昌山應制

一作錢起詩按文苑英華與孫逖同賦定

非錢詩

睿想入希夷真游到具茨玉鸞登障遠雲輅出花

遲泉壑凝神處陽和布澤時六龍多順動四海正

雍熙

裴脩然

名畫記云楚州刺史思訓之子為人談諧強學不成一名好酒善丹青解絲竹

渭川歌

唐新語云舊制京城曉暝傳周獻封章始置街鼓俗號蓼

以戒行者馬公私便焉脩

然戲為渭川歌云云甚為時人所賞

遮莫蓼蓼動須傾湛湛杯金吾儻借問為報玉山

頽

李遐周

識詩

燕市人皆去函關馬不歸若逢山下鬼環上繫羅

衣

張陵

紀事云天寶間詩人

闕題

詩已

盛唐卷之二百七

五

言終
今日漢家探使迴
蟻疊胡兵來未歇
春風渭水不敢流
總作六軍心上血

張南容

品彙作盛唐

靜女歌

靜女樂於靜
動合古人側
妙年工詩書
弱歲勤組織
端居愁若癡
誰復理容色
十五坐幽閨
四鄰不相識
天天鄰家子
百花裝首飾
日月淇上遊
笑人不踰閩
河水自濁濟
自清仙臺蛾
眉秦鏡明
爲照齊王門
下醜何如漢
帝掌中輕

沈徽

品彙作盛唐

古興

蔓草自細微
蘿始天天黃
緣至百尺榮
耀非一朝
惠色高碧嶺
流芳薄丹青
如何摧秀木
正爲餘波漂
莖葉落巖跡
英蕤從風颺
洪柯不足恃
况乃託陵茗
長安富豪右
信是天下樞
歲里笙歌發
禁門冠蓋趨
攀雲無醜士
唾地盡成珠
日晏下雙闕
煙花亂九衢
恩榮在片言
零落亦須臾
何意還自及曲池
今已蕪

詩系
林琨

品彙作盛唐

失題

清晨孤亭裏極目對前岑
遠與天水合長霞生夕
林蒼然平楚意杳靄
半秋陰落日川上盡
關城雲外深方予事
巖壑及此欲抽簪
詩就蓬山道還茲
契宿心

鄭德玄

品彙作盛唐

晚至鄉亭

長亭日已暮駐馬暫盤桓
山川杳不極徒侶默相

看雲夕荆臺暗風秋郢路寒
客心一如此誰復采
芳蘭

吳象之

品彙作盛唐

陽春歌

簾低曉露濕簾捲鶯聲急
欲起把一作抱筇篻如凝
管一作絲絃澀孤眠愁不轉
點淚聲相及淨掃堦上
花風來更吹入

少年行

承恩借獵小平津使氣常遊中
貴人一擲千金渾

言終
是膽家無四壁不知貧

韋鎰 品彙作盛唐

經望湖驛

大漠無屯雲孤峯出亂柳前驅白登道顧失飛狐
口遙憶代王城俯臨恒山後纍纍多古墓寂寞爲
墟久豈不固金湯終聞擊銅斗交權初伏信接讌
翻貽咎埋寶賊夫人磨笄傷彼婦功成行且薄義
立名不朽莫慎纖微端其何社稷守身殘國遂亡
此立人君醜

胡衡 品彙作盛唐

銜命使日本國

銜命將辭國非才忝侍臣天中戀明主海外憶慈
親伏奏違金闕駢驂去玉津蓬萊鄉路遠若故
園鄰西望懷恩日東歸感義辰平生一寶劍留贈
結交人

賈彥璋 品彙作盛唐

晚霽登汝南大雲閣

禪宮新歇雨香閣晚登臨邑樹晴光起川苗佳氣

言終
盛唐卷之二
深水包城下岸雲細郢中岑自歎牽卑日聊開望
遠心

戴休珽 品彙作盛唐

古意

窮秋朔風起滄海愁陰漲虜騎掠河南漢兵屯灞
上羽書驚沙漠刁斗喧亭障關塞何蒼茫遙烽遞
相望弱齡負竒節俠客多招訪投筆棄繻一作書生
提戈逐飛將

張軫 品彙作盛唐

舟行旦發

夜帆時未發同侶暗相催山曉月初下江鳴潮欲
來稍分楊子岨不辨越王臺自客水鄉裏舟行知
幾迴

劉復 品彙作盛唐

遊仙

稅駕倚扶桑逍遙望九州二老佐軒轅移戈戮蚩
尤功成棄之去乘龍上天遊天上見玉皇壽與天
地休俯視崑崙宮五城十二樓王母何窈眇玉質

詩經 盛唐卷之一百九
清且柔揚袂折瓊枝寄我天東頭相思千萬歲大
運浩悠悠安用知吾道日月不能周寄音青鳥翼
謝爾碧海流

出東城

步出一作步步東城門獨行已徬徨伊洛之清流密林
含朝暘芳景雖可矚憂懷在中腸人生能幾何
蕚隨流光願得心所親罇酒坐高堂一為浮沈隔
會合殊未央雙戲水中鳧和鳴自翱翔我無此羽
翼安可以比方

寺居清晨

高枕對曉月衣巾清且涼露華朝未晞滴瀝含虛
光隔竹聞汲井開扉見焚香幽心感衰病結念依
一作超法王青冥早雲飛杳靄空鳥翔此情皆有釋
一作適悠然知所忘

經禁城

日沒路且長遊子欲涕零荒城無人路秋草飛寒
螢東南古丘墟莽蒼馳郊坳黃雲晦斷岸枯井臨
崩亭昔人竟何之窮泉獨冥冥蒼苔沒碑版朽骨
詩已 盛唐卷之一百九

無精靈俛仰寄世間忽如流波萍金石非汝壽浮生等臊腥不如學神仙服食求丹經

送汪倫

春江日未曛楚客酣送君翩翩孤黃鶴萬里滄洲雲四方各有志豈得常顧羣山連巴湘遠水與荆吳分清光日脩阻尺素安可論相思寄夢寐瑤草空氣氤

出三城別幕中三判官

翔禽託高柯倦客念主人恩義有所知四海同一

身況皆曠大姿翰音見良辰陳規佐武畧高統據要津常願投素誠今果得所申金壘列四座廣廈無氛塵留連徂暑中觀望曆數旬河山險以固士卒勇且仁飾裝去未歸相追越城闈貴無青玉案緘佩永不泯

長相思

長相思在桂林蒼梧山遠瀟湘深秋堂零淚倚金瑟朱顏搖落隨光陰長宵嘹唳鴻命侶河漢蒼蒼隔牛女寧知一水不可渡況復萬山脩且阻綵絲

織綺文雙鴛昔時贈君君可憐何言一去瓶落井
流塵歎滅金爐前

長歌行

淮南木落秋雲飛楚宮商歌今正悲青春白日不
與我當壚舉酒勸君持出門驅馳四方事徒用辛
勤不得意三山海底無見期百齡世間莫虛棄君
不見金城帝業漢家有東制諸侯欲長久姦雄竊
命風塵昏函谷重關不能守龍蛇出沒經兩朝胡
虜憑陵大道銷河水東流宮闕盡五陵松柏自蕭

蕭

盛唐第一百七

盛唐第一百八

唐詩紀一百六十八

鄆郡吳 瑄彙編

鄆郡俞體初同校

蔡文恭

奉和夏日遊山應制

首夏林壑清薄暮煙霞上連巖聳百仞絕澗臨千
丈照灼晚花鮮潺湲夕流響悠然動睿思息駕尋
真賞挾彼渦川作懷茲洛濱想竊吹等齊竽何用
承恩獎

史青

應詔賦得除夜一作王

謹詩

今歲今宵盡明年明日催寒隨一夜去春逐五更
來氣色空中改容顏暗裏回風光人不覺已看一作

後園梅

朱琳

開緘怨

夫壻邊庭久幽閨恨幾重玉琴知別日金鏡識愁
容懶寄雲中服慵開海上封年年得衣慣且試莫

裁縫

熊曜

送楊諫議赴河西節度判官兼呈韓王二
侍御

賢哉征西將幕府多俊人籌議秉刀尺話言在經
綸先鞭羨之子走馬辭咸秦庭論許名實數公當
即真行行弄文翰婉婉光使臣今者所從誰不聞
歌苦辛黃雲蕭關道白日驚沙塵虜寇有時獵漢
兵行仍一作復夜一作巡王師已無戰傳檄兵良臣

詩經 卷之二 荆叔

題慈恩塔

漢國山河在秦陵草樹深暮雲千里色無處不傷
心

楊達

塞下

英華作李宣
達并州路作

秋日并州路黃榆落故關孤城吹角罷數騎射鷗
還帳幕遙臨水牛羊自下山行人正垂淚烽火起
雲間

竇冀

題懷素上人草書

粉壁長廊數十間興來小豁胸中氣忽然絕叫三
五聲滿壁縱橫千萬字

許瑤

題懷素上人草書

志在新奇無定則古瘦澀纏半無墨醉來信手兩
三行醒後却書書不得

寇泚

度塗山

小年弄文墨不識戎旅難一朝事鞞鼓策馬度塗山塗山橫地軸萬里畱荒服悠悠征旆遠駢驂一何速流月揮金戈驚風折寒木行聞漢飛將還向臯蘭宿

邢巨

遊春

海岳三峯古春皇二月寒綠潭漁子釣紅樹美人攀弱蔓環沙嶼飛花點石關谿山遊未厭琴酌弄

晴灣

遊琴谿

靈谿非人迹仙意素所秉鱗嶺森翠微澄潭照秋景

張漸

朗月行

朗月照簾幌清夜有餘姿洞房怨孤枕挾瑟愛前墀萱草已數葉梨花復遍枝去歲草始榮與君新相知今年花未落誰分生別離代情難重論人事

好乖移合比月華滿分同月易虧虧月當再圓人
別星墮天吾欲竟此曲意深不可傳歎息孤鸞鳥
傷心明鏡前

李叔卿

江南曲

湖上女江南花無雙越女春浣紗風似箭月如弦
少年吳兒曉進船鄰家子弟謝家郎烏巾白袷紫
香囊菱歌思欲絕楚舞斷人腸歌舞未終涕雙墮
舊宮坡陁絕一作嶙隱西山暮雨過江來北渚春

雲沿海盡渡口水流緩妾歸宵刺遲含情爲君再
理曲月華照出澄江時

芳樹

春看玫瑰樹西鄰卽宋家門深重暗葉墻近度飛
花影拂桃陰淺香傳李逕斜靚粧愁日暮流涕向
窓紗

王迥

題壁歌

屈宋英聲今止已江山繼嗣多才子懷者于今盡

詩經 卷之十一
相似宴聚王家其樂矣共賦新詩發宮徵書於屋
壁彰厥美

杜頴

從軍行 一作杜頴詩

秋草馬蹄輕角弓持弦急去為龍城候正值胡兵
襲軍氣橫大荒戰酣日將入長風金鼓動白露鐵
衣濕四起愁邊聲南轅時佇立斷蓬孤自轉寒鴈
飛相及萬里雲沙漲平川水霰澀夜聞漢使歸獨
向刀環泣

故絳行

君不見銅鞮觀數里城池已蕪漫君不見虎祁宮
幾重臺榭亦微濛介馬兵車全盛時歌童舞女妖
豔姿一代繁華皆共絕九原唯望塚纍纍

唐晁

還渭南感舊二首

寢室悲長簟粧樓泣鏡臺獨悲桃李節不共一時

一作夜泉開魂兮若有感髮髯夢中來

常時華室靜笑語度更籌恍惚人事改冥漠委荒

丘陽原欲薤露陰壑悼藏舟清夜妝臺月空想畫
眉愁

贈亡妻張氏

嶧陽桐半死延津劍一沈如何宿昔內空負百年
心

宋華

蟬鳴一篇五章

并序

蟬鳴感秋興送將歸也僻守外邑而蘭陵子
相過詰朝言歸賦詩見志以申贈焉

蟬其鳴矣於彼踈桐庇影容跡何所不容嘒嘒其
長永託於風未見君子我心忡忡既見君子樂且
有融

彼蟬鳴矣於林之表含風飲露以樂吾道有懷載
遷伊誰云保未見君子我心悄悄既見君子披豁
予抱

蟬鳴蟬鳴幽暢乎而肅肅爾庭遠近涼颼言赴高
柳叢篁間之思而不見如渴如飢亦既覲止我思
則夷

蟬鳴伊何時運未與匪歎秋徂怨斯路阻願言莫
從鬱悒誰語君子至止慰我延佇何斯違斯修爾
遐舉

歲之秋深蟬其夕吟披衣軒除蕭蕭風林我友來
斯言告離衿何以叙懷臨水鳴琴何以贈言委順
浮沈

張光朝

荻塘西莊贈房元垂

門在荻塘西塘高何聯聯往昔分地利遠近無閑

田水國信汗下霖霖卽成川苗稼盡湮沒茲鄉獨
豐年家肥待親懿人樂思管絃日晏始能起盥漱
看厨煙醞酒寒正熟養魚長食鮮黃昏鐘未鳴偃
息早已眠何意久城市寂寥丘中緣俛仰在顏色
區區人事間憶昔炎漢時乃知綺季賢靜默不能
仕養老終南山

天門街西觀榮王聘妃

仙媛來朱邸名山出紫微三周初展義百兩遂言
歸鄭國通梁苑天津接帝畿橋成烏鵲助蓋轉鳳

寺已

鳳飛霜仗迎秋色星缸滿夜輝從茲磐石固應爲
得賢妃

梁鉉

天門街西觀榮王聘妃

帝子乘龍夜三星照戶前兩行宮火出十里道鋪
筵羅綺明中識簫韶暗裏傳燈攢九華扇帳撒五
銖錢交頸文鴛合和鳴彩鳳連欲知來日美雙拜
紫微天

君山父老

閑吟

湘中老人讀黃老手援紫藟坐碧草春至不知湖
水深日暮忘却巴陵道

開元名公

裴給事宅白牡丹

西陽雜俎云開元末裴士淹爲郎官奉使幽
薊回至汾州衆香寺得白牡丹一窠植於長
興私第天寶中爲都下奇賞當時名公有裴
給事宅看牡丹尋訪未獲一本有詩云云

長安豪貴惜春殘爭賞新開紫牡丹別有玉盤承
露冷無人起就月中看

西鄙人

哥舒歌

北斗七星高哥舒夜帶刀至今窺牧馬不敢過臨洮

太上隱者

荅人

偶來松樹下高枕石頭眠山中無曆日寒盡不知年

山中客

別酒主人

酒盡君莫沽壺乾我當發城市多囂塵還山弄明月

無名氏

送史司馬赴崔相公幕

文苑英華失姓氏嚴羽卿云此或太白之逸詩也不然亦盛唐人之作

崢嶸丞相府清切鳳凰池美爾瑤池鶴高棲瓊樹枝歸飛晴日好吟弄惠風吹正有乘軒樂初當學舞時珍禽在羅網微命若遊絲願托周周羽相銜

漢水湄

無名氏

昔昔鹽

碧落風煙外
瑤臺道路賒
如何連御苑
別自有仙家
此地回鸞駕
緣溪滿翠華
洞中明月夜
窓下發煙霞

無名氏

胡笳曲

見唐詩

月明星稀霜滿野
羶車夜宿陰山下
漢家自失李

將軍單于日暮

選本作然

來牧馬

亡名氏

送薛大夫和蕃

戎王歸漢命魏絳
諭皇恩旌旆辭雙闕
風沙上五原
往途遵塞道
出祖耀都門
策令天文盛
宣威使者尊
澄波看四海
入貢佇諸蕃
秋杪迎迴騎
無勞枉夢魂

無名氏

甘州

詩記

感事失之

上二

言系
盛唐卷之一百八
欲使傳消息空書意不任寄君明月鏡偏照故人
心無

被襖曲三首

昨見春條綠那知秋葉黃蟬聲猶未斷塞鴈已成
行

金谷園中柳春來自舞腰那堪好風景獨上洛陽
橋

何處堪愁思花間長樂宮君王不重客泣淚向東
風

盛唐第一百八

盛唐第一百九

唐詩紀一百六十九

鄆郡吳 瑄彙編

鄆郡俞體初同校

釋理瑩

冠坦有題瑩上人院詩

送戴三徵君還谷口舊居

巖穴多遺秀弓車屢遠招周王尊渭叟潁客傲唐
堯出處天波洽關河地勢遙瞻星吳郡夜作霧華
山朝清論虛重席閑居掛一瓢漁歌思坐酌宸渥
寵行輶春爲荷裳煖霜因葛履消層崖懸瀑溜萬

壑振清颺谷鳥猶一作遷木場駒正一作會食苗謝

安何日起台鼎佇君調

景雲

老僧一作鄭

日照西一作四山雪老僧門始一作未開凍瓶粘柱礎

宿火陷爐灰童子病歸去鹿麕一作麋寒入來齋鐘

知漸近枝鳥下生臺

谿叟

溪翁居處靜谿鳥入門飛早起釣魚去夜深乘月

歸露香菰米熟煙煖荇絲肥瀟灑塵埃外扁舟一

草衣

畫松

畫松一似真松樹且待尋思記得無曾在天台山上見石橋南畔第三株

僧雲表孟浩然有傷峴山雲表上人詩

寒食

寒食悲看郭外春野田無處不傷神平原壘壘傷

一作皆新塚半是去年來哭人

司馬退之羽士

洗心

不踐名利道始覺塵土腥不味稻梁食始覺精神

一作神骨清羅浮奔走外日月無短明山瘦松亦勁鶴

老飛更輕逍遙此中客翠髮皆長生草木多古色

雞犬無新聲君有出俗志不貪英雄名傲然脫冠

帶改換人間情去矣丹霄路向曉雲冥冥

吳筠

隱逸傳云魯中儒士也舉進士不第依潘師正為道士善著述玄宗聞其名遣使徵至待詔翰林高力士素奉釋短筠于上前乃堅求還山東遊會稽往來天台剡中與李白

孔巢父詩篇酬和終于越中弟子私謚宗玄先生所著文賦深詆釋氏為通人所譏然文彩煥發每製一篇人皆傳寫

步虛詞六首

郭茂倩樂府作韋渠牟詩

紫府與玄洲誰來物外遊無煩騎白鹿不用駕青

牛金化顏應駐雲飛鬢不秋仍聞碧海上更用王

為樓

玉樹雜金花天河織女家月邊丹鳳鳥風送紫鸞

車霧縠籠綃帶雲屏列錦霞瑤臺千萬里不覺往

來賒

詩記

盛唐卷之二九

七

言終
盛唐卷之二百九
三
愍俗從遷謝尋仙去淪沒三光有真人與我生道
骨凌晨吸丹景入夜飲黃月百關彌惆悵方寸益
清越栖神合虛無洞覽周恍惚不覺隨玉皇焚香
詣金闕

怡神在靈府皎皎含清澄仙經不吾欺輕舉信有
徵疇昔希道念而今果天
豈非陰功著乃致白
日昇焉用過洞府吾其越朱陵

予因詣金闕飛蓋超西極遂人素中天停輪大涿
側若華拂流影不使白日匿傾曦復停午六合無

暝色道化隨感遷此理誰能測

高昇紫極上宴此玄都岑玉蕊散竒香瓊柯流雅
音靈風生太漠習習吹人襟體混希微廣神凝空
洞深蕭然宇宙外自得乾坤心

步虛詞三首

扶桑誕初景羽蓋凌晨霞倏歛造西域嬉遊金母
家碧津湛洪源灼爍敷荷花煌煌青琳宮璨璨列
玉華真氣溢絳府自然思無邪俯矜區中士天濁
良可嗟

瓊臺劫萬仞孤映大羅表常有三素雲凝光自飛
遶羽童泛明霞升降何縹緲鸞鳳嘯雅音栖翔絳
林杪玉虛無晝夜靈景何皎皎一覩太上京方知
衆天小

二氣播萬有化機無停輪而我操其端乃能出陶
鈞寥寥太漠上所遇皆清真澄瑩含元和氣同自
相親絳樹結丹實紫霞流碧津以茲保童嬰永用
超形神

步虛詞三首

稟化凝正氣鍊形爲真仙忘心符元宗返本叶自
然帝乙集絳宮流光出丹玄元英與桃君朗咏長
生篇六符煥明霞百闕羅紫煙飈車涉寥廓靡靡
乘景遷不覺雲路遠斯須 萬天

灼灼青華林靈風振瓊柯三光無冬春一氣清且
和迴首邇結靈傾眸親曜羅豁落制六天流鈴威
百魔綿緜慶不極誰謂椿齡多

爰從太微上四覲虛皇尊騰我八景輿威遲入天
門旣登玉晨庭肅肅仰紫軒敢問龍漢末如何闢

詩紀
盛唐卷之一百九
五
乾坤怡然輟雲璈告我希夷言幸聞至精理方見
造化源

登北固山望海

北山鎮京口迥出滄海湄躋覽何所見茫茫朝夕
馳雲生蓬萊島日出扶桑枝萬里混一色焉能分
兩儀願言策煙駕縹緲尋安期揮手謝人境吾將
從此辭

遊廬山五老峯

彭蠡隱深翠滄波照芙蓉日初金光滿景落黛色

濃雲外聽猿鳥煙中見杉松自然符幽情瀟灑愜
所從整策務探討嬉遊任從容玉膏正滴瀝瑤草
多芊茸羽人栖層崖道合乃一逢揮手欲輕舉爲
余扣瓊鐘空香清人心正氣信有宗永用謝物累
吾將乘鸞龍

登廬山東峯觀九江合彭蠡湖

百川灌彭蠡秋水方浩浩九派混東流朝宗合天
沼寫心陟雲峯縱目還縹緲宛轉衆浦分差池羣
山繞江妃弄明霞彷彿呈窈窕而我臨長風飄然

言系
盛唐卷之一百九
六
二百八五
欲騰矯昔懷滄洲與斯志果已紹焉得忘機人相
從合魚鳥

同劉主簿承介建昌江泛舟作

吾友從吏隱和光心杳然鳴琴正多暇嘯侶浮清
川風霽遠登映昭昭涵洞天坐驚衆峯轉乃覺孤
舟遷崖嶼非一狀差池過目前徘徊白日暮月色
江中鮮真興殊未已滔滔且泝沿時歌滄浪曲或
誦逍遙篇酣暢迷夜久遲遲方告旋此時無相與
其旨忘筌

題龔山人草堂

世人負一美未肯甘陸沈獨抱匡濟器能懷真隱
心結廬邇城郭及到雲木深滅跡慕潁陽忘機同
漢陰啓戶面白水憑軒對蒼岑但歌考槃詩不學
梁父吟茲道我所適感君齊素襟勗哉龔夫子勿
使囂塵侵

緱山廟

朝吾自嵩山驅駕遵洛汭透遲輾輾側仰望緱山
際王子謝時人笙歌此賓帝仙材夙所稟寶位焉

足繫爲迫丹青期闕流蒼生惠高蹤邈千載遺廟
今一詣肅肅生風雲森森列松桂大君弘至道層
構何壯麗稽首環金壇焚香陟瑤砌伊余超浮俗
塵慮久已閉况復清夙心蕭然叶真契

覽古三首

興亡道之運否泰理所全奈何淳古風旣往不復
旋三皇已散樸五帝初尚賢王業與霸功浮僞日
以宣忠誠及狙詐殺混安可甄餘智入九霄守愚
淪重泉永懷巢居時感滄徒泫然

食其昔未偶落魄爲狂生一朝君臣契雄辨何縱
橫運籌康漢業憑軾下齊城旣以智所遠還爲智
所烹豈若終貧賤酣歌本無營

絳侯成大績賞厚位仍尊一朝對獄吏榮辱安可
論蘇生佩六印奕奕爲殃源主父食五鼎昭昭成
禍根李斯佐二辟巨釁鍾其門霍孟翼二后伊戚
及後昆天人忌盈滿茲理固永存方知得意者何
必乘朱輪滅景栖遠壑弦歌對清樽二疏返海濱
蔣詡歸林園瀟灑去物累此謀誠足敦

覽古六首

聖人重開濟明道欲救時孔席不暇暖墨突何嘗
緇興言振頽綱將以有所維君臣恣淫惑風俗日
凋衰三代業遽隕七雄遂交馳庶物墜塗炭區中
若焚絲秦皇燎儒術方冊靡孑遺大漢歷五葉斯
文復崇推乃驗經籍道與世屯同夷弛張固天意
設教安能持

棟宇代巢穴其來自三皇跡生固爲累經始增百
王瑤臺旣滅夏瓊室復殞商覆車世不悟秦氏興

阿房繼踵迷反正漢家崇建章力役弊萬人瓌竒
殫八方狗志仍未極促齡已云亡侈靡竟何在荆
榛生廟堂

吾觀采苓什復感青蠅詩讒佞亂忠孝古今同所
悲姦邪起譖害骨肉相殘夷漢儲殞江充晉嗣滅
驪姬天性猶可間君臣固其宜子胥烹吳鼎文種
斷越鉞屈原沈湘流厥戚咸自貽何不若范蠡扁
舟無還期

魯侯祈正術尼父從棄捐漢主思英雄賈生被排

遷始皇重韓子及覩乃不然漢武喜相如旣徵復
忘賢遺遠世咸爾賤今理共然方知古來主難以
效當年
鼎錯抱遠策爲君納良規削彼諸侯權永用得所
宜姦臣負舊隙乘釁謀相危世主竟不辨身戮宗
且夷漢景稱欽明濫罰猶如斯比干與龍逢殘害
何足悲

聖人垂大訓奧義不苟設天道殃頑兇神明佑懿
哲斯言猶影響安得復回穴鯨鯢誕英睿唐虞育

昏孽盜跖何延期顏生乃短折魯隱全克讓禍機
遂潛結楚穆肆巨逆福柄奚赫烈田常弑其主作
國久罔缺管仲存霸功世祀成詭說漢氏方版蕩
羣閹恣邪譎蹇蹇陳蕃徒孜孜抗忠節誓期區宇
靜爰使兇醜絕謀協事靡從俄而反誅滅古來若
茲類紛擾難盡列道遐理微茫誰爲我昭晰吾將
詢上帝寥廓詎躋轍已矣勿用言忘懷庶自悅

聽尹練師彈琴

至樂本太一幽琴和乾坤鄭聲久亂雅此道稀能

尊吾見尹仙翁伯牙今復存衆人乘其流夫子達
其源在山峻峯峙在水洪濤奔都忘邇城闕但覺
清心魂代乏識微者幽音誰與論

別章叟

平昔同邑里經年不相思今日成遠別相對心淒

其

題華山人所居

故人住南郭邀我對芳樽歡暢日亦暮不知城市

喧

盛唐第一百九

盛唐第一百十

唐詩紀一百七十

鄆郡吳 瑄彙編

鄆郡俞體初同校

江妃

梅妃外傳云名采蘋莆田人玄宗妃也開
元中高力士選歸侍明皇大見寵幸善屬
文自比謝女性喜梅所居悉植梅上因其所
好戲名梅妃太真入侍寵愛日奪竟為楊氏

遷于上
陽東官

謝賜珍珠

外傳云上在花萼樓封珍珠一
斛密賜妃妃不受進詩云云

桂葉雙眉久不描殘粧和淚汚紅綃長門盡日無

言不
梳洗何必珍珠慰寂寥

楊貴妃

本傳云楊玄琰女幼養叔父玄珪家開元中玄宗召入內禁號太真善歌舞遂

曉音律智筭警頽帝大悅天寶初册封貴妃後祿山之亂玄宗西幸至馬嵬陳玄禮等以天下計誅揚國忠軍不解帝遣高力士問其故曰禍本尚在帝與妃決引而去縊路祠下以紫茵裹瘞道側年三十八

贈張雲容舞

羅袖動香香不已紅蕖裊裊秋煙裏輕雲嶺上乍
搖風嫩柳池邊初拂水

宜芬公主

虛池驛題屏風

女史云宜芬公主本豆盧氏女有才色天寶四載奚霫無主東平王安祿山請立其質子而以公主配之上遣中使護送至虛池驛公主悲愁作詩題屏風云云至番其國已立君矣質子見殺公主亦遇害

出嫁辭鄉國由來此別難聖恩愁遠道行路泣相
看沙塞容顏盡邊隅粉黛殘妾心何所斷他日望
長安

開元宮人

袍中詩

開元中賜邊軍績衣製於宮中有兵士於短袍中得詩云云以詩白帥帥進呈玄宗以詩遍示宮中曰作者勿隱不汝罪也有一宮人自言萬死上深憫之遂以嫁得詩者曰吾與汝結今生緣邊人感泣

沙場征戍客寒苦若為眠戰袍經手作知落阿誰邊蓄意多添線含情更着綿今生已過也重結後身緣

林氏

丹陽太守洋之妹隰城丞薛元曉之妻也善屬文男彥輔登開元進士第

送男彥輔左貶

他日初投杼勤王在隱兵有辭期不罰積意許相

仍謫宦今何在銜冤猶未勝天涯分越徼驟騎速
毗陵腸斷腹非苦書傳寫豈能淚添江水遠心劇
海雲蒸明月珠難識甘泉賦可稱但將忠報主何
懼點青蠅

趙氏

冠坦母也

古興

鬱蒸夏將半暑氣扇飛閣驟雨滿空來當軒捲羅
幙度雲開夕霽宇宙何清廓明月流素光輕風換
炎鑠孤鸞傷對影寶瑟悲別鶴君子去不還搖心

欲何托

金菊延清霜玉壺多美酒良人獨不歸芳菲豈常
有不惜芳菲歇但傷別離久含情罷斟酌凝怨對
窓牖

霽雪舒長野寒雲伴秋谷巖風振枯條啼猿抱冰
木所嗟遊宦子少小荷天祿前程未云至悽愴對
車僕歲寒成詠歌日暮棲林樸不憚行路險空悲
年運促

魏氏

魏求已
妹也

贈外

浮萍依綠水弱蔦寄青松與君結大義移天得所
從翰林無雙鳥劒水不分龍諧和類琴瑟堅固同
膠漆義重恩欲深夷險貴如一本自身不令積多
嬰痛疾朝夕倦牀枕形體恥巾櫛遊子倦風塵從
官初解巾束裝赴南郢脂駕出西秦比翼終難遂
銜雀苦未因徒悲楓岸遠空對柳園春男兒不重
舊丈夫多好新新人喜新聘朝朝臨粉鏡兩鴛固
無比雙蛾誰與競詎憐愁思人銜啼嗟命薜華

不足恃松枝有餘勁所願好九思勿令虛自行

崔氏盧校書象之妻也

述懷

女史云崔氏有詞翰結縉之後以校書年暮微有嫌色盧因請賦詩以述懷為戲崔立成云云大笑為樂

不怨盧郎年紀大不怨盧郎官職卑自恨妾身生較晚不及盧郎年少時

郭紹蘭

寄夫

天寶遺事云長安郭行先女紹蘭適任宗宗賈湘中數年不歸蘭覩雙燕戲於梁間紹蘭語燕曰我聞燕自海東來往復必經湘中我壻離家數歲幾有音耗生死存亡弗可知也欲憑爾爾附書我壻若相允當泊我懷中燕遂飛於膝上蘭賦詩云云遂小書其字附於足上後宗得書感泣而歸

夫我壻去重湖臨窓泣血書慇懃憑燕翼寄與薄情

夷陵女子

歌

月清風良宵會同星河易翻歡娛

綠尊翠

為君斟酌今夕不飲何時歡樂

又歌

楊柳裊裊隨風急西樓美人春夢中翠簾斜卷千
條入

盛唐第一百十



